

洪

範

淺

解

洪範淺解卷之五

華容後學程宗彝著

焦

五之一

水上
上

原中
下上

○ ○ ○ ○ ○ ○

廢天開地闢萬物繁殖君子所體利衆不利寡利公不利私

庶衆也五一疇之名疇變自寡而來寡者陰之乏庶者陽之饒久乏者必饒庶之理也六陽將極萬物蕃育各正性命庶之時也五之一土之水也夫萬物皆生於土而土之所以能生萬物者以其水之滋乎土也土之生氣在於水水之精氣沃於土若水在土上則庶物不生五土在上一水閏下則萬物滋息庶之道也且本乎陽

者親土本乎陰者親水水陸之物至殊至繁庶之義也
五之一中之原也五有剛中之德當庶之始而能謹之
於幾微圖大於其細圖多於其寡庶之德也故名之
謂庶疇則繼靡靡者盛也盛而公者物必歸之故繼之
以庶開闢者陽盡著也大德敦化庶之本也蕃殖者物
盡著也小德川流庶之用也夫生之衆而不寡氣之公
而不私天地之庶也君子體之爲索矩之道而以天地
之心爲心焉

猷曰庶上以馭靖下以羞任禮樂興而天下同焉庶之道
大矣

以疇德釋疇名義而因言庶道之大也馭靖者臨馭以
使安也指五德之靜蓋任者進力以事上也指一德之
順曰馭曰任禮也曰靖曰蓋樂也當庶之時爲五者能
善馭以安其一爲一者能順進以事其五則禮樂興道
德一風俗同而天下咸和可以保其庶之終矣庶道其
大矣乎

天地開闢敦化也

天地雖開闢而體之翕直存焉

萬物蕃殖成性也

萬物之所以繁殖非物物使之庶也物各得其太極之

理以成性而自殖耳

利衆不利寡大承也

上下相承

利公不利私宅師也

公則足以安衆

猷曰水運土下庶先王敦社不敦民

五土社之儀也一水民之意也水運土下無時無處而
不有可謂庶矣地得水閏而後能生物以收庶之之功
非水則土無庶德是水爲貴土次之故先王輕社而重
初二孚庶奔其陵元吉

手維車之圖本所以受緯者一之意也陵者五之屬也夫一在庶之始群焉而無所主紛焉而未之定五當庶初德能下及不剛不柔識其機而維屬之雖衆不亂故有手庶之儀一當庶之下位見幾明決剛速從五而又以柔順服於五故有奔陵之儀猶織帛者其經緯雖庶能約之以手則雖庶不紊而經緯之庶又順從於手故占得元吉占兼二義五與一皆吉也五能定庶則有萃離之亨一能奔庶則無後夫之悔占者如之則吉矣

儀曰乎庶之吉合志也

一二分庶咎不利獨往

分爲也鳥群聚而分飛也二之屬也五之一爲庶之主
二迄於一當以柔順共附於五可也二行之以剛不知
所合自有所往故有分庶之儀猶庶鳥群聚而獨有分
飛者則不能無失其占則曰不利獨往蓋當庶之時宜
從於庶二違五而衝於八故其占

儀曰分庶之咎自違也

二三庶其男惟中之友

男者三之意也三意庶時得合於五則生之者衆故有
庶其男之儀處多男之道當以和順則敬愛生不嫌其
爲庶若偏剛而不公則忌忌則爭三以剛行柔故有惟

中之友之儀戒占者當如是也

儀曰性中之友安庶也

一四質庶貞吝亡

質成也四以柔濟剛弼成於五以安其庶故有質庶之儀剛又以正則可亡吝

儀曰質庶吝亡不敢僭也

一五康庶群無疑祥

五爲庶主當庶之時剛中之德足以安衆故有康庶之儀中而不偏剛而無私故有群無疑之儀其占則祥

儀曰康庶無疑上用情也

一六庶燹

音浦

於北君子有悔

北厲域也六之位也燹者夜行設火以避也六以陰居西北當庶之際陰變於陽故有庶燹於北之儀北乃小人之所君子偶爾入之雖庶其燹不免失足於人矣能無悔乎

儀曰庶燹於北失未遠也

一七躓庶災

躓顛蹶也七當庶時重剛急促故有躓庶之儀其占災儀曰躓庶之災失道也

一八巢庶休得其克孽

禾之一莖六穗者曰渠八之質也以八合五有生物之道故曰渠孽庶子也以三之陽而得五故三有庶男之儀以八之陰而得五故八有庶孽之儀八以柔順得正合於同位之五而有養衆之德且在上位之中行之剛正故有渠庶之儀占曰得克孽蓋八陰爲孽陰變於陽內無離而外無衝得其克守休可知矣

儀曰得其克孽以行中也

一九毀札之庶其髮爭爭凶

札櫛也毀札櫛之不可理髮者爭鬪也髮鬪也九居庶極時將寡而潰矣九以重剛躁動不能善理其衆故有

致札庶之儀下一所衝其庶乃亂不能為庶首故有其
髮爭爭之儀其占則凶

儀曰其髮爭爭失上也

决 五之二

土上 山下

中上 冲下

䷗ ○ ䷗ ䷗ ○ ䷗ ○

决八元舉用四凶竄極群疑盡釋無枉不直利艱貞

决者抉也剛以去物也又果斷也五二疇之名疇變自
疑而來疑者陰柔不果决者陽剛有斷事不終疑有時
而定决之理也以六陽之全盛而去毫微之陰其去之
也必矣决之時也先天五二土火也以土之廣博深厚
非火之氣則不能决去其寒冽决達其冲和决之義也

後天五二土金也二又爲石石生而土裂亦決義也疇
名五二土山也土在山上當決之時勢崩易決疇德五
二中之中也決天下之事非中則失之不及不及者柔
柔不能決也非和則失之太過太過者猛猛而決之或
以兆變皆非處決之道也故必中以斷之於始而不失
之柔和以濟之於行而不失之猛中和立而剛柔行則
天下之事無不可決小人之邪無不可去決之道也故
名之謂決疇則繼廢臨廢者必以斷故受之以決君子
之衆固足以決去乎小人然其決之也又必艱正斯能
去陰而不爲所傷戒占者當如是也

猷曰決以剛決陰也

群疑盡釋以消富也

消陰之多

無枉不直以長仁也

猷曰以石副土決君子忍性去佞

副決裂也二者以陰害陽決之大者莫過於斯故

君子決之

初二允

音吟

決無率私休

人之初出門曰允一之義也一當決初意見已定事理

無可疑者當行而行故有允決之儀一以陽剛變於柔

遜舒徐遲重不致於躁妄故有無率私之儀

傳曰允無率私以遜出也

一二客決不顧其資吉

二柔順居下之中當決而有中和之德其處人也深藏
有容不徵於聲色不溺所與而自有決擇故有客決之
儀二雖柔順當幾能斷其處已也剛而不睡克其私而
不爲物誘故有不顧資之儀其占吉

儀曰不顧其資慎後也

二以柔行剛必慎剛而斯能決以善後

二三旂決咎

三當決時剛變於柔不能果斷故有旂決之儀旂時變

而占之如此

儀曰旂決之咎無勇也

二四翰決災咸決有孚休

翰鳥羽也四之屬也汚者六水也四近五而當決時見六之陰濁而欲決以清之重柔不振故有翰決之儀不得於五爲六所衝同位者亦不爲之助其占災四柔不決又不能決於五決於同位恐懼疑惑而不能斷惟當自處以謙不行疑謀極誠以感於上下集衆思廣忠益則亦可休矣

儀曰翰決其邪力不足也咸決之孚廣忠益也

二五失彖於西南貞平

彖者二之德西南二位也五以陰柔而當決時故占如此若以其正則亦可平

儀曰失彖正志也

去邪用正必先正其心定其邪正然後知所取與而

之決

一六俞決之羞不得其朋

俞者口然而心不然之謂羞包其恥也皆六義也

水主藏

朋同位五也六去小人而柔不濟耳非中位乃含羞而承於小人外若順而變於剛內實相違不為輕舉以取困故有俞決之羞之儀然六與五同位性不相孚故有

不得朋之儀

儀曰俞決之羞睽則致也

若睽無同志惟休致而已

二七肩決呼其朋休

肩仔肩也七有剛德則足以勝事矣故有肩決之儀猶不自專也濟以柔順合於同位之五故有呼朋之儀其

占休

儀曰肩決呼朋同斯繹也

二八繫決傷其左敏凶

敏足大指也八居下左故曰左敏八雖居上中時不可

爲德不足勝於此而爲四爲六可也同位者旣不爲之
應援異位者又爲之敵八重陰而無才智欲去小人動
而無制機事不密則八之謀敗而小人之謀固八受其
禍故有釁決傷敏之儀

儀曰釁決之傷愾衆也

愾怒也以小人而使君子之凶則邪正失常公怒不可
勝矣公怒其能久安乎

一九臨決悔

九重剛君決之極則有決之才矣位極則有決之勢矣
故有臨決之儀夫位高雖可以決行迺剛亦不能以無

悔戒占者當如是也

儀曰臨決之悔慎過也

豫

五之三

木上
下

中上
從下

■ ■
○ ■ ■
■ ■
○ □ ■
■ ■
○

豫飲食和樂君子豫吉小人豫凶

豫和樂也五三疇之名疇變自過而來過者行失而逆
逆者則憂豫者事得而順順者則樂無逆不順無憂不
樂豫之理也時陽將極陽極則剛明勝剛明勝則柔暗
消剛明善也柔暗惡也天下之至可樂者無過於善而
足以致憂者無過於惡豫之時與德也五之三土之木
也土盛則木暢豫之義也五之三中之從也允執其中

而從心所欲不踰於理則胸次悠然上下同流豫之德也故名之謂豫疇則繼決能決者則物從而悅故受之以豫三八既爲欣疇五三復曰豫則欣之與豫義若相同然豫主樂在內欣主樂在外三八之時外陽而內陰二木同氣氣同則相求其爲疇也自當爲欣矣三五之時內外俱陽萬物樂生於土則其爲疇也自當爲豫矣樂而養生者莫過於飲食故曰飲食和樂君子豫吉樂道也小人之凶冥豫也

猷曰豫剛而不括豫

以疇德釋疇名義陽純不已天道豫也純天理而無一

毫私欲之逆於心人造豫也

飲食和樂順生也

養生之常則非溺於情矣

君子豫吉損躬也

小人豫凶貪天惠也

惠者聲色臭味安佚之性

獸曰木暢地中豫君子和不易方

木隨地而皆暢故君子隨地而皆樂

初二醕豫無攸利

醕歛錢飲酒之名夫豫之事有在上之豫有在下之豫

有初豫有極豫初豫者當求之於內終豫者當求之於外
危下位豫在己也上位豫在人也此勢也隨道而動
求自然之樂此理也一處豫初陽變於陰不克樂於己
又不豫於同位之五則所豫者外之與故有醺豫之儀
其占則曰無攸利夫不豫諸己而顧以豫諸其人不豫
諸內而固以豫諸其外豫失常矣故灾

儀曰醺豫不利失道也

一二卓豫吝亡

卓特立也二本陰柔當豫之時變於陽剛不以時之豫
而溺於欲故有卓豫之儀以德變占如此

儀曰卓豫吝亡尚志也

二三嘉豫大有畜貞吉利建室

天下之豫有求而得之者有求而不得者有不求而自
享其成者不求享成者非豫之美者乎五之三乃疇之
所以爲豫而八繹之豫皆莫之及當和樂之隆時而三
獨適遭其盛三得於五其養之也厚五得於三其彰之
也榮其爲豫也無爲無憂可謂美矣故有嘉豫之儀五
之德中三之德從三雖有嘉豫又於此時反而求豫於
己真趣內涵性根於心三根於舉天下之大行不足以
加之故有大畜之儀但以剛行柔柔者非終豫之道故

必以正而後得吉其占曰利建室上上有木有建室之義又當宴樂之時故曰利建室

儀曰嘉豫大有畜憂時也

三四賻豫失彼俯仰咎

財貨助莽曰賻無爲自得意也俯三也仰六也四時位雖豫陰變無爲待其外之有得故有賻豫之儀三在下而爲豫主四旣不能俯而觀乎三之大畜以爲三之豫矣六在上而得豫之剛中四又不能仰而觀乎六之泰豫以爲六之豫矣不得於已與人故有失彼俯仰之儀其占則咎以德變而占之如此

儀曰賁豫之咎尸樂也

二五懷豫咎

儀曰懷豫之咎以貞得也

一六泰豫休不利祀

泰者虞之瓦尊也六柔變於剛不以文靡不以欲縱質而有容故有泰豫之儀占曰不利祀六有祭義六豫而四衝之六祭而四不享故不利咎在中矣

儀曰不利祀志未光也

二七食肯匿其齒寇至凶

肯美味也匿齷也齒病也七以不正之剛當衆豫之時

而適遭其所窮則其爲豫者已不可得於已矣七又不
能推已歆豫之心以及人而乃專其自豫以爲養故有
占豫之儀夫三以制歆而居豫之盛時七以好歆而居
豫之衰位則三必衝之而七羅其傷矣故有匪齒之儀
七以陽金既不受藏於五土復銜露於三木則慢藏而
盜斯奪之矣故有寇至之儀占者如之則凶

儀曰匿其齒窮養也

二八嗇豫於民悔

八居上中受下之養以爲豫重陰不正其性鄙嗇私而
不公故有嗇豫之儀蓋嗇爲豫之薄者不公猶悔而况

不為謂者乎

儀曰嗇豫之悔小不可私也

一九躋豫無恤飲食無咎

九居豫極將憂之時也此雖理之常若棄其常豫當為之事坐以待憂亦豈處豫極之中道乎蓋豫極雖變而所以召變者實人之過豫也若飲食和樂乃人生日用之常亦可棄之而不豫乎惟當憂勤惕厲以俟命則雖不能保其必豫而亦可以無失矣占者當如是也

儀曰無恤飲食安素位也

升

土上
風下

中上
公下

䷭
䷮
䷯
䷰
䷱
䷲
䷳
䷴
䷵
䷶
䷷
䷸
䷹
䷺
䷻
䷼
䷽
䷾
䷿

升禮明樂行萬化以成利見大人不言有喻允升吉

升進而上也五四疇之名疇變自伏而來屈伸相成而利生升之理也大陽之氣皆上升之時也先天五四土之金也土盛則金氣冲發後天五四土之火也土燥則火氣騰皆升義也疇名五四土之風也風出於土氣達而上嗟亦升義也五之四中之公也當升之時其行也中其存也公則進以禮矣升之德也故名之謂升疇則維豫豫則凡事可立故受之以升禮明樂行四德動也萬化以成五德靜也利見大人四遇事也不言有喻上合志也允升太吉順時也

猷曰升不忘於世不干於普際可而動明以應之又何借
以疇德釋名義四南行故曰不忘於世四為公故曰不
干於進四過五故曰際可而動四有明德四為故曰明
以應之以四者而升則正矣其何借於理乎
禮明樂行義不可失也

仕所以行義

不言有喻合上志也

上指五

允升大吉順時義也

猷曰風出地上升君子義問以逮下

風不徒升也達之以長養乎物故君子不徒升也行義而有令聞惠及於下焉

初二亶升無咎

亶音占

亶者不進之貌一當升初居位之下在升之始宜從容以審其進一雖陽剛其升也處之柔順不因時之可升而躁動於下故有亶升之儀占則無咎况上無應援而九衝之則一之升也不容於剛進者矣一在升初而以柔順審進固爲無咎若既升而以柔順則升不以正反有所失矣又觀其時位焉

儀曰亶升無咎上失應也

一二和升於豆利有攸行

和二屬也豆同位五屬也二以柔順之德當升之時居下之中較之於一位已進矣變於剛中不失身於卑賤而得其所安故有和升於豆之儀占曰利攸往同者不忌異者不衝也

儀曰和升於豆以承庸也

二三交有悔不利市

三較於二位復升矣但所升之位不得其中當惕厲俟休可也三變於陰柔而有往則不能無悔占曰不利市蓋三主交五主市交而不正故曰不利悔可知矣

曰交有悔悞往也

二四靖升於都無終譽

靖安也都者五屬也譽者四意也四升近五而當時之
獨盛七位之非莫及同位者應援六爲之退听四既過
其時矣公而不枉明而不蔽應時以動而不干四又
德矣故有靖升於都之儀四之升雖有時位德望矣
柔順之過或不足以建大業決大疑失衆之望而保其
譽故有無終譽之儀

儀曰升不終譽非才也

才之剛柔雖係所稟二四則變也

二五援升休

援接引也五居尊位能以柔順而汲引乎天下之賢故有援升之儀其占則休

儀曰援升之休以敬應也

二六豳升於杙遇諸火凶

豳六居也樹高無枝曰杙六位也六以重陰邪媚不正時德俱衰升於高危故有豳升於杙之儀同位之五陽之對位之四焚之故有遇諸火之儀其占則凶

儀曰豳升於杙失常也遇諸火何可反也

二七愉升吝

七之位已升於上之下矣七以陽剛升而有爲可也變於陰柔以所升之位爲樂而不以所升之事爲念故有愉升之儀

儀曰愉升之吝猶未恣也

愉而未恣故吝恣於行則不止吝矣

二八羣升傷其羽

音六

羣鳥上升也八升而居上中其位已高其升將極以陰柔之才而安於所升之位猶恐其不免八已升而益求其升故有羣升之儀同五忌之而二見衝故有傷羽之儀其占則灾

儀曰參升而傷羽宜下也

二九厲至升休綏綏咎

鳥高飛而獲下曰至九升於極其勢必危故先曰厲九
變於柔退升而知降剛而知柔合於同位而不逆其所
行故有至升之儀如是則亦可休矣九以柔順而退則
休若以柔順而為媚悅取容則咎矣戒占者如是也
儀曰至升之休慎終也

中

五之五

中上
中下

土上
土下

■ ■
○ ■ ■
■ ■ ○ ■ ■
■ ■ ○ ■ ■
■ ■

中赫赫厥聲耀彼四鄰君子持盈小人斂成

中者極至也其體不偏不倚其用無過不及五五疇之

名八十一疇之主也其繹有九其儀二偶一奇其數則
生於二上下二偶者二之體數也中一奇者二所生之
一也二偶一奇之儀既立復兩其二偶一奇而為九以
一涵三五所盈之成數也八十疇俱有反對自變而來
者惟中疇無反對無變蓋中者天下之定理大公至正
一定而不可易故中無變中無定體萬事萬物莫不有
中七百二十繹之位中道存焉故無反對反則為不中
矣以言其時自原而升為時之息近乎中者也自伏而
終為時之消遠乎中者也至此則陰陽爭而死生分觀
陰陽之進退四時之盈虛萬物之盛衰人事之失得能

於此而察之則天地人事之紀從可知矣五之五土之
土也廣博深厚莫於中位凝於六極中義也且一得五
而成六二得五而成七三得五而成八四得五而成九
中之數也中以盛德居隆時中天下而立定四海之典
建極於上四方取則無一髮偏倚之私純粹至善中之
德也故名之謂中疇則繼升升不可過也故受之以中
赫赫大明是彛是訓惟帝其訓也耀彼四鄰人無滯朋
民無比德也五居中而一九三七二八四六之所由主
有鄰之義故曰四鄰君子知進退存亡之中故能持盈
小人知進而不知退知存而不知亡故有毀成之失戒

占者之辭也

欽曰中靜而虛動而有體近而不狎遠而不遺以此利民而發天下之故又奚睽焉

以疇德釋疇疇名義體者禮也動而有禮則一矢一至四近也近不狎則近無不中六至九遠也遠不遺則遠無不中中則無不利以中者人心之故聖人不過因人心之故有者而利導之耳故中正立而民錫保無有不從而睽焉者

赫赫大明道大光也
耀彼四鄰作新民也

君子持盈勅天命也

小人毀成宴太康也

天以中而一陰陽地以中而一剛柔人以中而一仁義萬物以中而一命萬事以中而一幾聖人以中而一天下堯舜之大也精於斯而已矣

猷曰土厚而載中先王建極以參化育

初二小子在堦蒙中允貞無咎

都外謂之郊郊外曰牧牧外曰野野外曰林林外曰垺皆取自一至五之義一在位之最下故曰小子一去五爲最遠故曰在垺五德隆盛一不得親進於君故有小

子在垺之儀一之初中小子之良也一以陰柔之變其中未達而良心固有之陽德則未之失故有蒙中之儀若觀於五而信行之以正則無咎

儀曰小子在垺觀上則也

一二居於牧渙彼健羨祥

健狂厥也羨私意也知柔知剛釋其健也不見可欲使心不亂釋其羨也二進於一漸近於五猶牧進於垺則漸近於都故二有居牧之儀夫一疇之中三奇六偶五以剛中建極於尊位之中二以剛中歸極於下位之中八以剛中歸極於上位之中一三七剛而柔者也四六

柔而柔者也皆不得其中九剛而柔執中而韉者也二以柔順在下行之以剛法於五以成性故有渙彼美健之儀其占則祥當皇極大行之時而能自成於下故祥儀曰渙彼美觀下則也

觀極以成下則

二三居郊入於岐咎貞平

三進於二益近於五猶郊進於牧則益近於都矣故有居郊之儀三遵王之道可也三居下不中變於陰柔而不能趨於中是有高亢之資而失其中者也故有入岐之儀猶郊乃地之高而岐則非中者其占咎若以正則平

儀曰居郊入岐柔不中也

二四日午在郭居於節咎

四進於三則近乎五矣猶郊而郭則入都矣日午者中
五之時也五以陽明當皇極之盛時四進而近五故有
日中在郭之儀四以陰柔之性雖觀五之德輝不能以
剛克自歸于中柔而又柔故有居節之儀居盛世而不
及於中故咎

儀曰日中而節何可行也

一五天樞之瞻和風熙熙元吉

天樞北辰也天之中也五之象也風者五之氣也和者

冲氣也風得怒之氣則暴得喜之氣則和得木之氣則
溫得火之氣則炎得金之氣則涼得水之氣則肅則和
者土之冲氣也熙熙氣不好也天樞者五之德位也瞻
者五之化也和者化之効也熙熙者五之時也五以君
德而居尊位際太和之世而爲天下法時人斯其惟皇
之極故有天樞之瞻和風熙熙之儀其占元吉占者有
其德則應矣

儀曰天樞之瞻誠發志也和風熙熙道乘際也

二六濡羨於泥吝

羨車之軌道也泥者六之舊也二六之位將過於中以

柔行柔不循其中之軌故有濡羨於泥之儀其占則吝
儀曰濡羨於泥失道也

二七日午登堂見其振悔

振袂也門兩旁木也七當皇極之盛時而居上之下位
亦高矣况七有剛德亦可進極者也位與質皆有升堂
之儀故曰日午登堂七不能以剛進於極變於陰柔見
其偏而不見其中故有見振之儀其占則悔

儀曰登堂見振自失位也

一八日午在堂守其機祥

機門樞也八當盛時而居高位之中行之以剛克其陰

伏不覩不聞君子戒懼勿用娶女利潛師不利有攸往

伏退而往也五六疇之名疇變自升而來伸之極者必
屈伏之理也時微陰將升六陽將降伏之時也五之六
上之澤也土上澤下垠高水卑藏而不見伏之義也疇
德之五六中之用也當伏之時處之以中而不過善藏
其用而不露伏之德也故名之謂伏疇則繼中中者不
及則僭故受之以伏君子戒懼存陽也勿用取女以陰
生也利潛師以陽屈也故不利往

猷曰伏剛之窮也

不覩不聞天地之利也

陰陽升降之際正天地之所以利乎萬物者君子因伏而戒懼所以存天地之心以利用耳

勿用娶女慎陰壯也

潛師之利以剛屈也

不利有往地德不可先也

猷曰土振乎澤伏君子見虛而不盈

澤在土之中土懷澤之外伏時見其土之虛而不見其澤之溢故君子惟知其虛而不知其盈也

初二龍伏於參休利居幽

伏疇之義以陽降爲伏龍爲陽故九繹以陽而後龍至

秋乃伏而奎七秋宿也伏雖非秋時特以陽取儀耳參
乃水宿一為水五之一解變於井時之九解井極則當
伏矣一以物陽君於下故在伏之時陽變於陰故有伏
參之儀占曰利君臣子於井極當變也

儀曰龍伏於參陽在下也

一二龍伏於婁災

婁金宿也二以陰伏於陽伏非其所致有伏婁之儀其
災可知

儀曰龍伏於婁失位也

二三龍伏於奎各貞無吝

奎木宿也三爲木故曰奎三以陽剛居下不中故有伏
奎之儀伏非其所故吝以時而占者如此秋陽變於陰
能以其正亦可無吝以德變而占者如此

儀曰龍伏於奎位不中也

二四伏於嘴函

嘴火宿也四亦火位也潜龍伏於火位深失其所故有
伏嘴之儀其占則函以時之衰極而内外衝之

儀曰伏於嘴不戢焚也

二五龍伏於胃利求賢艱貞平

胃土宿也五七位也五以陽剛當伏時而行柔順故有

伏胃之儀其占則曰利求賢

儀曰龍伏於胃以剛奮也

三六伏於畢吉交無鄰

畢月宿也性好雨六爲太陰月儀也雨質也六爲伏疇之主當伏之正時非不欲澤及於天下而時勢已不可爲矣六於此時審其進退不剛不柔勇於自伏故有伏於畢之儀其占曰交無鄰言陽皆各以位伏矣但所伏者水之位有時而升故吉

儀曰升於畢以時利也

二七遲伏有悔

上下之賢皆已伏矣七在上之下當明決以狀之可也
若行之陰柔不能見幾速伏能無悔乎

儀曰遲伏有悔無援也

二八區伏咎

草木屈生曰區八之柔也八以陰柔在上之中屈已以
承於同位之五而不能去故有區伏之儀占曰咎

儀曰區伏之咎慎比害也

三九確伏咎行義無咎

九居伏極當升之時也若陽剛不變果於忘世伏於下
位則不能無咎以時而占之者如此但九當伏極陽成

知變歆以道易天下而不獨善其身則無咎以德變而
占者如此

儀曰確伏之咎失義也

過

五之七

金土上
下

中上
分下

■ ■
○ ■
■ □
○ □
□ □
○ □

過罔淫於樂君子戒懼君子過厚小人過薄利涉大川

過者乖而不中越乎常也五七疇之名疇變自豫而來
豫者順而和過者越而戾以言其時過有二義陽盛陰
衰以陽過陰則陰不和於陽陽之過也陽雖盛而時則
退陰雖微而時則進以陰過陽則陽不和於陰陰之過
也陰陽皆有過越之義有五之豫以既退

之微陰而遇盛進之陽陽本勝陰陰弱而不亢則和矣
故爲豫五七之過以將退之盛陽而遇漸進之微陰陰
本宜下於陽陽既伏矣以陰逼陽則越其常故爲過過
之時也先天五七土之火也火炎上而燥於土火之過
也後天五七土之金也金伏下而蔽於土土之過也疇
德之五七中之分也當過之時處之以中守之以分而
不敢有所違越焉處過之道也故名之謂過疇則繼伏
伏則行失其明而咎歸之故受之以過陰主逸樂君子
戒慎陰進也君子過厚陽盛退而恕也小人過薄陰
輕進而刻也利涉大川陽過陰也

猷曰過時進而不挑亦可以無尤矣

以疇德釋疇名義陽既伏矣陰則進焉未有陽伏陰進而陰不失者時陰雖進若能慎退不敢以輕進焉則亦可無尤矣

罔淫於樂陰不可長也

君子過厚承剛則也

小人過薄以險毀也

利涉大川衆陽有功也

猷曰土覆金過先王以信服暴

五主信七屬暴

初二凌過曳其趾無咎

凌水也一之質也曳止也趾在下體一之意也一居太陰當過陰之物行之以柔止於在下慎而不進改而從正故有凌過曳趾之儀內有應而外無衝也

儀曰曳其趾慎動也

一二聞言而悔利攸行

聞者二之屬也二以陰柔不能無柔過矣行之以剛因同位之五不合而有言以剛自反內訟于心而不求之於口舌之間故有聞言而悔之儀其占則曰利有攸行人能悔過則心無私吝而行得故利

儀曰聞言而悔得常也

二三睽過遇偃醜凶艱貞平

偃者揚其過而不隱醜者惡其過而不恕三剛而位不中不能無剛過矣且當戾極乖而不和異位者惡之同位者棄之三至於孤立過積而不可掩故有睽過遇偃醜之儀三雖有過而當戾時若能因時事之逆而柔處過則過可改而人亦恕凶可平矣

儀曰睽過偃醜抑可易也

抑護遜也

三四老婦偶旅鄰人蹻蹻咎

偶旅由躬畏貌也四爲老陰之故故曰老婦四近五而柔變過於柔矣故有老婦偶旅之儀四過於柔不得於同位五六爲鄰而衝之故有鄰人蹻蹻之儀其占則答儀曰鄰人蹻蹻柔受克也

一五契過見其岳祥

契斷絕也五當過時以剛克之故有契過之儀五土主覆剛而能見故又有見其岳之儀

儀曰契過之休以剛中也

三六老婦偶旅家人溫溫休丈夫吝

六爲老陰之數故六亦曰老婦四以柔動固爲吝矣六

以柔動而得休者蓋六以重柔不能無過然其時則休
合於同位之五得其柔應故有老婦偕旅家人溫溫之
儀然柔不失親則柔亦不爲過矣故休以時而占之者
如此茲乃婦人之柔丈夫得之則不免爲柔過故吝
儀曰老婦偕旅以和親也家人溫溫以際親也

三七初厲馭過鳴於塗人求貞終吉

三七者剛交而動也馭攻治也七性也鳴七厲也塗五
位也七位不中當違戾之時則七有剛過矣過則不能
無厲占曰初厲七於此時剛動而克之專力以攻其慝
改過不吝則過不晦於已矣七雖有過而不忌於同位

之五人皆知之則過不晦於人矣不匿其惡故有馭過之儀不掩於外故有鳴於塗人之儀不必然以正乃得吉也初厲獨言於七者以五七爲疇主也

儀曰初厲終吉善復也

一八見暗而疑貞無咎

見者八之屬也暗者聽而不敢語也五之意也八以陰柔居上中則不能無柔過矣八不得於五五雖未明斥其八之過而八則不敢以自是以柔行剛疑而自反故有見暗而疑之儀猶人聽有位者之事而不敢語其所以不語者已必有過也見其不語而疑其已之有過因

而改之以正則亦可以無失矣其占曰無咎

儀曰見暗而疑內訟也

三九溢過災

溢馮河無咎也一之衝也三七以過而吉三九以過而
災者蓋七值過時即能自克而和於內外九則過極矣
過極而剛動內外違之故有溢過之災

儀曰溢過之災不和衆也

疑

五之八

土上
雷下

中上
戎下

■ ■
○ ■ ■
■ ■
□ □
■ ■
□

疑有問有貳君子用明小人用罔勿用決獄凶

疑惑也五八疇之名疇變自決而來蓋陽性明斷陰性

暗惑以六陽而去將消之微陰則陽爲決以微陰而遇
將消之六陽則陰爲疑疑之時也疇行五八土之木也
土下陰木紛錯交結疑之義也疇名五八土之雷也土
主反覆雷主震動不常亦疑義也疇德五八中之戎也
當疑之時主之以中道持之以敬畏則能以禮制心以
義制事內有真見外有定行而其疑釋矣故名之謂疑
疇則繼過過則物可問也故受之以疑問者疑之始貳
者疑之添君子用明達陽剛也小人用罔陷陰柔也決
獄之凶疑不明也戒占者之辭

欽曰疑柔懼正也戰則恃傷矣

柔二陰也正衆陽也陰疑於陽則戰疑之者女貝以艮陽之正若與陽戰則悖常而有傷矣

君子用明達正謀也

君子始謀非不思而疑也思之以正則百志用熙矣

小人用罔忌亂行也

小人之疑不正則其疑也爲忌爲諛而亂行矣

勿用決獄佞成文也

決獄者非謂盡去其疑也疑變而佞則不得其情而其

獄也文滌矣

猷曰土震於雷疑君子知虞之佚

洪範淺解 八卷之五

三

利

土與雷反覆震動皆有疑意然土本佚乎雷而雷又能
動乎土猶欲本佚乎人而反累乎人故君子知而去之
初二審疑往無悔

一在事始思而後行不能無疑一以陽剛其体雖明行
以柔順故有審疑之儀剛而順動故無悔

儀曰審疑無悔慮善動也

一二竟疑凶貞利

竟疑終疑行也二以陰柔疑而不正又以其所疑者行之
故凶以時義占之如此二變於剛以剛怯疑疑而能正
則利以德變占之如此

儀曰一二之貞達剛變也

二三攸往瞻疑悔

合目內思曰瞻三以陽剛當疑時處之柔順有所往也
思而動志故有瞻疑之儀其占則悔初二無悔疑在行
前二三悔者疑在行後

儀曰瞻疑之悔不可及也

三四燐疑君子咎小人休

燐野火又兵死及牛馬之血久爲燐四陰屬也

四爲四陰火

陰暗不明柔動不決故有燐疑之儀以是而疑君子則
咎以是而疑小人則休

儀曰三四之燐疑中不足也

二五其衆杌杌舒疑休

杌杌者疑而不安貌舒者順布也五當衆疑一二四疑於下六七八九疑於上故有其衆杌杌之儀五德變不剛不柔順其所疑而釋之蓋一於剛則信不孚而反廢其惑一於柔則優旃不斷者不足以明志五不處不靡信以動之緩以孚之故有舒疑之儀其占則休

儀曰衆杌舒疑安下志也

三六使疑不得其食

使使臣也六性流行自此至彼故有使之儀六以陰疑

行無定所柔動而往故有使疑之儀水火相射有食之義四剛衝之故有不得食之儀

儀曰不得其食辱命也

二七折疑休

擗木曰折七當疑時剛而知變故有折疑之儀其占休以德變而占之如此

儀曰折疑之休發下志也

二八疑咎域其美衣不失其宮終正吉

域音或

八本陰柔以柔行柔則疑深矣故咎域裂物以與人也五有分裂之義故曰域宮八之成也五八合時而同位

八實有賴於五而五乃自裂其体以榮於八故有撼其
美衣之儀八居疑之正當疑而疑則不失其所有而得
以保其成占則曰不失其宮猶美服人所愛也舍所愛
而裂以與之則利於八者至矣八以為無故而損其所
愛必有傷於我者以此為餌而致之也况無故之獲必
當辯早察微而不為利欲所牽制不為人所拘繫而得
以自守其所有故吉但二八過柔必以是心之正而終
守之則吉

儀曰撼衣之疑又何退也

三九輪疑各

九居疑極一以剛斷可也九以剛變輾轉不定故有輪
疑之儀如輪以剛轉雖足以致行但所行不定吝道也
儀曰輪疑之吝剛不決也

寡

五之九

土上
火下

中上
終下

■○■□□□□□

寡宜上不宜下宜少不宜衆君子寡過不利婚媾

寡少也五九疇之名疇變自庶而來庶之極者必棄而
孤寡之理也時五陽全盛陰生一分則陰少矣寡之時
也疇行五九土之火也火燎土上萬物盡毀存之者鮮
寡之義也五者數之中九者數之窮物自中而至窮則
物盡數極亦寡義也疇德之五九中之終也九人物時

事將終未有不寡者於此而以中道維其衰善謀圖其後則寡可使庶虞寡之道也故名之謂寡疇則繼疑疑則忌忌則物不與故受之以寡宜上不宜下陰進也宜少不宜衆陽退也凡物寡者不能以獨成惟過而能寡則身無不備不利婚媾陰寡也

猷曰寡剛以利順順以益剛有利有順而天下之情通可以馭大睽矣

剛指九順指五當寡之時一於剛則寡者之心愈離一於順則萃離之事不濟故必以九之剛而和五之順以五之順而益九之剛以剛順而通天下之情則天下之

睽而寡者於我乎聚矣

宜上不宜下利感也

陽上陰下以陽爲感

宜少不宜衆利應也

上下多寡乃陰陽屈伸感應自然之利耳

君子寡過順時也

不利婚媾竒陰也

猷曰火焚其土寡先王弋暴以武

弋取而去之也以武去暴則暴寡矣

初二子立於沆瀣入於穴凶

無右臂曰子一之時也沆瀣北方夜半之氣一之屬也
入者九之衝也穴者一之位也夫寡固人之所難處但
寡之時又有終始之不同而人之處寡亦異一變自庶
之九繹而來在寡之初自衆而寡者也人處其廢一旦
至於寡則其處寡也有不勝其難者矣於此而以寡自
安於柔可也但柔不足以植寡而植寡者必以剛以八
位之事較之而一之所遭猶爲寡甚以柔順而求助於
同位之五可也乃獨立無與自處於太陰之位故有子
立於沆瀣之儀同位者棄之九則衝之陷於陰位而不
能出故有入穴之儀其占則凶

儀曰入於穴失輔也

一二少女之寡事其姑不去其第

少女二之屬也以二爲陰初故曰少女第者婦歛車之

物也五之義也

五主發

姑者五也二以陰當寡以剛自守

合於五柔以成獨善之德故有女寡事姑不去第之儀
猶少時之寡聞事其師後其禮則可休矣

儀曰事其姑自求實也

二三肫寡傷其秩灾

爲臟曰肫禾之再生曰秩傷者七之衝也秩者三之也
也三本有陽質陰柔不正寡其心之德而無所有故有

肫寡之儀已德不盛則傷之者至矣爲七所伐罔其止
理無以自立故有傷秩之儀其占則灾

儀曰肫寡之傷失內也

三四士夫之寡求其聚悔亡

士夫少夫也四之屬也聚三女也四當寡時陰交而
不終好於同位之五而有外致之交故有夫寡求聚
儀四君大臣之位因其彥之寡也集衆賢以成治則
無悔以德變而占之者如此

儀曰求其聚足以有輔也

三五一成之寡得其國祥

一成之地地之寡也五之屬也五以陽剛居尊位而
寡時動之以剛足以自成以五合五故有一成得國之
儀其占祥

儀曰成得其國以剛立也

三六老婦录录胥語於庭吝

六爲老陰故曰老婦录录瘦惡老貌也胥語碎語也庭
者五之屬也六以陰極居於陰位當寡之時故有老婦
录录之儀柔動不中不合於同位之五故有胥語於庭
之儀吝道也

儀曰老婦碎語自窮與也

三三寡其武援祥

七有剛德而當寡時寡而能交合於同位者乃順德之
五故有寡武援之儀其占則祥夫居上之寡雖剛不可
以獨立然寡而知交交而不暴則雖寡於武之援而不
寡於順德之援祥可知矣

儀曰寡其武援獲有道也

三八振寡厲貞無咎

八以柔而當寡時八亦知交求以自立故有振寡之疑
但交而不應時不及於七之所應故厲若能終其交之
求而不安於寡時之滿則亦可無咎矣

儀曰振寡之貞以人勝也

三九天上有火下焚其穢照彼四國吉

火田之荒蕪者曰焚寡至於九則寡極將盛之時九以太剛居上當寡之極與同位之五交而相濟下衝於太陰故有天上有火下焚其穢之儀時寡而有援道光而有衆故有照四國之儀占則吉

儀曰下焚其蕪去陰也照彼四國得衆也

洪範淺解卷之五終